



একই স্মারক ও তারিখের প্রতিস্থাপিত
বাংলাদেশ কারিগরি শিক্ষা বোর্ড
৮/সি শেরেবাংলা নগর, আগারগাঁও
ঢাকা-১২১০।

Website: www.bteb.gov.bd

সরকারি টেকনিক্যাল স্কুল ও কলেজ, টেক্সটাইল ভোকেশনাল ইনস্টিটিউট, স্বতন্ত্র কারিগরি প্রতিষ্ঠান, সরকারি/বেসরকারি মাধ্যমিক বিদ্যালয়ে এসএসসি (ভোকেশনাল) এবং মাদ্রাসায় দাখিল (ভোকেশনাল) শিক্ষাক্রমে
নবম শ্রেণিতে ভর্তি নির্দেশিকা-২০২৫

বাংলাদেশ কারিগরি শিক্ষা বোর্ড-এর অধিভুক্ত এসএসসি (ভোকেশনাল) ও দাখিল (ভোকেশনাল) শিক্ষাক্রমে ২০২৫ শিক্ষাবর্ষে নবম শ্রেণিতে সরকারি টেকনিক্যাল স্কুল ও কলেজ, টেক্সটাইল ভোকেশনাল ইনস্টিটিউট, স্বতন্ত্র কারিগরি প্রতিষ্ঠান, সরকারি/বেসরকারি মাধ্যমিক বিদ্যালয় এবং মাদ্রাসাসমূহে শিক্ষার্থী ভর্তির জন্য এই নির্দেশিকা প্রযোজ্য হবে।

১. ভূমিকা:

দেশ-বিদেশে চাকরি বাজারের জন্য দক্ষ জনশক্তি এবং প্রশিক্ষণ প্রতিষ্ঠান সম্পর্কে বাংলাদেশ কারিগরি শিক্ষা বোর্ড ধারাবাহিকভাবে কয়েকটি জরিপ পরিচালনা করে। এ সকল জরিপ এবং অনুরূপ অন্যান্য প্রতিবেদনের ফলাফল মাধ্যমিক পর্যায়ে এসএসসি (ভোকেশনাল) ও দাখিল (ভোকেশনাল) শিক্ষাক্রমকে জাতীয় শিক্ষা ব্যবস্থার একটি স্বতন্ত্র ধারা হিসেবে প্রবর্তনের জন্য সিদ্ধান্ত গ্রহণের নির্ভরযোগ্য ভিত্তি হিসেবে প্রতিষ্ঠা করেছে।

২. ভর্তির নিয়মাবলী:

- ২.১ এসএসসি (ভোকেশনাল) এবং দাখিল (ভোকেশনাল) শিক্ষাক্রমে নবম শ্রেণিতে ভর্তিচ্ছু শিক্ষার্থীরা দেশের যে কোনো শিক্ষা বোর্ডের অধীনে অনুষ্ঠিত জুনিয়র স্কুল সার্টিফিকেট/জুনিয়র দাখিল সার্টিফিকেট/প্রি-ভোকেশনাল/অষ্টম শ্রেণি উত্তীর্ণ শিক্ষার্থী ২০২৫ শিক্ষাবর্ষে ভর্তির জন্য আবেদন করতে পারবে;
- ২.২ সরকারি প্রতিষ্ঠানের ১ম শিফটে ভর্তিচ্ছু প্রার্থীদের ২০১৯ অথবা এর পরবর্তী সময়ে জেএসসি/জেডিসি/ প্রি-ভোকেশনাল পরীক্ষায় উত্তীর্ণ হতে হবে। সরকারি প্রতিষ্ঠানের ২য় শিফট এবং বেসরকারি প্রতিষ্ঠানের জন্য জেএসসি/জেডিসি/ প্রি-ভোকেশনাল /অষ্টম শ্রেণি উত্তীর্ণদের পাশের সন শিথিল যোগ্য;
- ২.৩ শিক্ষা প্রতিষ্ঠানসমূহে ২০২৫ শিক্ষাবর্ষে নবম শ্রেণিতে ভর্তির জন্য প্রতিষ্ঠান প্রধানগণ নিজ দায়িত্বে বোর্ড কর্তৃক প্রণীত নির্দেশিকা অনুসরণপূর্বক ব্যবস্থা গ্রহণ করবেন;
- ২.৪ শিক্ষা প্রতিষ্ঠানে চালুকৃত ট্রেডসমূহে নবম শ্রেণিতে ট্রেড ভিত্তিক শিক্ষার্থী ভর্তি করতে হবে;
- ২.৫ ট্রেড নির্বাচনের ক্ষেত্রে প্রতিষ্ঠানের অভ্যন্তরীণ শিক্ষার্থীদের পছন্দকে অগ্রাধিকার দিয়ে লটারির মাধ্যমে ট্রেড ভিত্তিক শিক্ষার্থীদের ভর্তি এবং অবশিষ্ট আসনসমূহে লটারির মাধ্যমে ট্রেড ভিত্তিক ভর্তি তালিকা তৈরি করতে হবে;
- ২.৬ ভর্তির জন্য নির্ধারিত তারিখের মধ্যে আসন সংখ্যা পূরণ না হলে অপেক্ষমান তালিকা হতে সময়সূচি অনুযায়ী শূন্য আসনে আগে আসলে আগে পাবে ভিত্তিতে শিক্ষার্থী ভর্তি করা যাবে ;
- ২.৭ প্রার্থীকে ভর্তির আবেদনপত্রের সাথে জুনিয়র স্কুল সার্টিফিকেট/জুনিয়র দাখিল সার্টিফিকেট/প্রি-ভোকেশনাল/অষ্টম শ্রেণি পাশের নম্বরপত্রের সত্যায়িত/অনলাইন নম্বরপত্রের কপি, শিক্ষার্থীর জন্ম সনদের ০১ (এক) কপি ফটোকপি, ০৪ (চার) কপি পাসপোর্ট সাইজের সত্যায়িত রঙ্গিন ছবি এবং ফরম জমাদানের সময় প্রাপ্ত রশিদ সংযুক্ত করতে হবে;
- ২.৮ চূড়ান্তভাবে নির্বাচিত প্রার্থীকে যাবতীয় ফি প্রদানপূর্বক নির্দিষ্ট তারিখের মধ্যে প্রতিষ্ঠানে ভর্তি হতে হবে;
- ২.৯ প্রার্থীকে নির্ধারিত ফি প্রদানপূর্বক বাংলাদেশ কারিগরি শিক্ষা বোর্ডের নবম শ্রেণির রেজিস্ট্রেশন নির্ধারিত সময়সূচি মোতাবেক সম্পন্ন করতে হবে;
- ২.১০ এসএসসি (ভোকেশনাল) ও দাখিল (ভোকেশনাল) শিক্ষাক্রমে ভর্তিকৃত শিক্ষার্থীকে বোর্ড নির্ধারিত পাঠ্যসূচি সংগ্রহ করতে হবে;
- ২.১১ বর্ণিত নির্দেশিকার বহির্ভূত কোনো বিষয়ে সিদ্ধান্তের প্রয়োজন হলে সে ব্যাপারে শিক্ষা প্রতিষ্ঠান কর্তৃপক্ষ বোর্ডের অনুমোদন সাপেক্ষে ব্যবস্থা গ্রহণ করবে;
- ২.১২ শিক্ষার্থী বলতে সহশিক্ষা প্রতিষ্ঠানের জন্য ছাত্র ও ছাত্রী, বালকদের প্রতিষ্ঠানের জন্য ছাত্র এবং বালিকাদের প্রতিষ্ঠানের জন্য ছাত্রী বুঝাবে। তৃতীয় লিঙ্গের শিক্ষার্থীর ক্ষেত্রে শারীরিক বৈশিষ্ট্য (বালক/বালিকা) অনুযায়ী সংশ্লিষ্ট প্রতিষ্ঠানে ভর্তি হতে পারবে ;
- ২.১৩ শিক্ষা মন্ত্রণালয়ের সরকারি/বেসরকারি ভর্তির নীতিমালা অনুসরণ করতে হবে।

৩. শিক্ষাবর্ষ: ০১ জানুয়ারি থেকে ৩১ ডিসেম্বর পর্যন্ত।

৪. ভর্তি কমিটি:

নবম শ্রেণির ভর্তি কার্যক্রম পরিচালনার জন্য প্রতিষ্ঠান প্রধানকে সভাপতি করে বিভাগীয় প্রধান/সিনিয়র শিক্ষকবৃন্দের সমন্বয়ে ০৭ (সাত) সদস্যের একটি ভর্তি কমিটি গঠন করতে হবে।

৫. সংরক্ষিত কোটা:

- ৫.১ মুক্তিযোদ্ধা/শহীদ মুক্তিযোদ্ধাদের পুত্র- কন্যার জন্য ৫% আসন সংরক্ষিত থাকবে। মুক্তিযোদ্ধা আসন নির্ধারণের ক্ষেত্রে সংশ্লিষ্ট প্রমাণপত্রের সত্যায়িত কপি আবেদনপত্রের সাথে সংযুক্ত করতে হবে এবং ভর্তির সময় মূল কপি প্রদর্শন করতে হবে। এ ক্ষেত্রে সংশ্লিষ্ট ব্যক্তির মুক্তিযোদ্ধা সনদ যথাযতভাবে যাচাই করে ভর্তি কার্যক্রম সম্পন্ন করতে হবে। মুক্তিযোদ্ধা/ শহীদ মুক্তিযোদ্ধাদের পুত্র-কন্যা পাওয়া না গেলে মেধা তালিকা থেকে উক্ত আসনে ভর্তি করতে হবে। কোন অবস্থায় আসন শূন্য রাখা যাবে না।
- ৫.২ শিক্ষা মন্ত্রণালয়, কারিগরি শিক্ষা অধিদপ্তর, বাংলাদেশ কারিগরি শিক্ষা বোর্ড এবং স্ব স্ব শিক্ষা প্রতিষ্ঠানে কর্মরত শিক্ষক/কর্মকর্তা/কর্মচারীর সন্তানদের জন্য ১% আসনে মেধানুযায়ী (পছন্দক্রমে) শিক্ষার্থী ভর্তি করা যাবে। বিশেষ চাহিদাসম্পন্ন শিক্ষার্থীদের শিক্ষার মূল ধারায় সম্পৃক্ত করার লক্ষ্যে ন্যূনতম যোগ্যতা থাকা সাপেক্ষে ভর্তির ক্ষেত্রে ২% কোটা সংরক্ষিত থাকবে। তবে এ ক্ষেত্রে প্রমাণস্বরূপ যথাযথ কর্তৃপক্ষের প্রত্যয়নপত্র দাখিল করতে হবে;
- ৫.৩ মেয়েদের ২০% ও ক্ষুদ্র নৃ-গোষ্ঠীর জন্য ২% কোটা সংরক্ষণ করতে হবে। সংরক্ষিত কোটায় যোগ্য আবেদনকারী না পাওয়া গেলে অপেক্ষমান তালিকা থেকে তা পূরণ করা যাবে;
- ৫.৪ প্রতিষ্ঠান সংলগ্ন ক্যাচমেন্ট এরিয়ার শিক্ষার্থীদের জন্য ৪০% কোটা সংরক্ষণ করতে হবে;
- ৫.৫ কোনো প্রতিষ্ঠানে আবেদনকারী শিক্ষার্থী সহোদর/সহোদরা বা যমজ ভাই/বোন যদি পূর্ব থেকে অধ্যয়নরত থাকে সে সকল সহোদর/সহোদরা বা যমজ ভাই/বোনের জন্য ৫% কোটা সংরক্ষণ করতে হবে;

৬. আসন সংখ্যা:

- ৬.১ সরকারি টিএসসি (TSC)-তে ভর্তির শিফট ও বিভিন্ন শ্রেণির আসন সংখ্যা কারিগরি শিক্ষা অধিদপ্তরের নির্দেশনা অনুসরণ করতে হবে;
- ৬.২ শিক্ষা প্রতিষ্ঠানে অনুমোদিত প্রত্যেক ট্রেডে ন্যূনতম ১২ জন শিক্ষার্থী ভর্তি করতে হবে;
- ৬.৩ কোনো অবস্থাতেই এসএসসি (ভোকেশনাল) ও দাখিল (ভোকেশনাল) শিক্ষাক্রমে অধ্যয়নরত কোনো শিক্ষার্থী একই শিক্ষাক্রমে পুনরায় ভর্তি হতে পারবে না অথবা একই শিক্ষাবর্ষে একজন শিক্ষার্থী একাধিক শিক্ষা প্রতিষ্ঠানে একত্রে ভর্তি হতে পারবে না;
- ৬.৪ বিগত শিক্ষাবর্ষে এসএসসি (ভোকেশনাল)/দাখিল (ভোকেশনাল) শিক্ষাক্রমে ভর্তিকৃত শিক্ষার্থীরা পুনরায় ট্রেড পরিবর্তন বা অন্য কোনো কারণে নতুন করে ভর্তি হলে পূর্বের রেজিস্ট্রেশন কার্ড বোর্ডে জমা দিয়ে বিধি মোতাবেক ভর্তি বাতিল করে পুনরায় রেজিস্ট্রেশন করতে পারবে;

৭. ভর্তির আবেদন ফরমের মূল্য ও ভর্তি ফি:

- ৭.১ ভর্তির আবেদন ফরম জমা নেয়ার সময় ১৫০/- (একশত পঞ্চাশ মাত্র) টাকা গ্রহণ করা যাবে। ভর্তি ফরম ও নির্দেশিকা বাংলাদেশ কারিগরি শিক্ষা বোর্ডের ওয়েব সাইট থেকে সংশ্লিষ্ট শিক্ষা প্রতিষ্ঠান ডাউনলোড/মুদ্রণ করে নেবে;
- ৭.২ দরিদ্র মেধাবী ও বিশেষ চাহিদাসম্পন্ন শিক্ষার্থী ভর্তিতে সংশ্লিষ্ট শিক্ষা প্রতিষ্ঠানসমূহ উল্লিখিত ফি যতদূর সম্ভব মওকুফের প্রয়োজনীয় ব্যবস্থা গ্রহণ করবে;

ক্র: নং	বিভাজন	পরিমাণ টাকা
		ইবম. শ্রেণি
১.	ভর্তি ফি	১০.০০
২.	ক্রীড়া ও সংস্কৃতিক ফি	১২০.০০
৩.	রেড ক্রিসেন্ট ফি	২০.০০
৪.	বিজ্ঞান ও প্রযুক্তি ফি	১০.০০
৫.	স্কাউটস/গার্লস গাইডস ফি	৩০.০০
৬.	রেজিস্ট্রেশন ফি (বোর্ড নির্ধারিত)	১৩০.০০
সর্বমোট		৩২০.০০

বি. দ্র. সেশন চার্জসহ ভর্তি ফি শিক্ষা মন্ত্রণালয়ের পরিপত্র নং শিম/অডিট সেল/২৪৩/২০১১/৪৭৫ তারিখ: ০৬/০৭/২০১৪ অনুযায়ী সর্বোচ্চ আদায় করা যাবে।

- ❖ রেড ক্রিসেন্ট ফি ২০.০০ টাকা (৬০% বা ১২.০০ টাকা প্রতিষ্ঠানে রেখে অবশিষ্ট ৪০% বা ৮.০০ টাকা বোর্ড পাবে)।
- ❖ বিজ্ঞান ও প্রযুক্তি ফি ১০.০০ টাকা (৩০% বা ৩.০০ টাকা সংশ্লিষ্ট শিক্ষা প্রতিষ্ঠান পাবে এবং ৭০% বা ৭.০০ টাকা বোর্ড পাবে)।
- ❖ ক্রীড়া ও সংস্কৃতিক ফি (প্রতিষ্ঠান প্রাপ্য ১০০ টাকা এবং বোর্ড প্রাপ্য ২০ টাকা)।
- ❖ বোর্ড কর্তৃক নির্ধারিত ফিসের বাইরে প্রতিষ্ঠান শিক্ষার্থীদের উপর অন্য কোনো চার্জ আরোপ করতে পারবে না।
- ❖ স্কাউটস/গার্লস গাইডস ফি ৩০.০০ টাকা (৫০% বা ১৫.০০ টাকা সংশ্লিষ্ট শিক্ষা প্রতিষ্ঠান প্রাপ্য এবং ৫০% বা ১৫.০০ টাকা বোর্ড প্রাপ্য)।

৮. ভর্তি সংক্রান্ত সময়সূচি:

কার্যক্রম	প্রতিষ্ঠান	
	টেকনিক্যাল স্কুল ও কলেজ/টিভিআই (প্রথম শিফট ও দ্বিতীয় শিফট)	বেসরকারি প্রতিষ্ঠান (প্রথম শিফট)
আবেদনপত্র বিতরণ ও গ্রহণ	১৭/১১/২০২৪ খ্রি. হতে ২৩/১২/২০২৪ খ্রি. পর্যন্ত (সাপ্তাহিক ছুটি ও সরকারি ছুটি ব্যতিত)	
লটারির মাধ্যমে ট্রেড অনুসারে নির্বাচিত শিক্ষার্থীর তালিকা প্রকাশ	২৪/১২/২০২৪ খ্রি.	
শিক্ষার্থী ভর্তি	২৬/১২/২০২৪ খ্রি. হতে ৩১/১২/২০২৪ খ্রি. পর্যন্ত	
বই উৎসব	০১/০১/২০২৫ খ্রি.	
ক্রাস আরম্ভের তারিখ	০২/০১/২০২৫ খ্রি.	

৯. এসএসসি (ভোকেশনাল) ও দাখিল (ভোকেশনাল) শিক্ষাক্রমের ট্রেডসমূহ:

ক্রমিক নং	ট্রেড কোড	ট্রেডের নাম	ক্রমিক নং	ট্রেড কোড	ট্রেডের নাম
১.	৬৪	বিল্ডিং মেইনটেন্যান্স	১৬.	৮২	মেশিন অপারেশন বেসিকস
২.	৬৫	উড ওয়ার্কিং	১৭.	৮৩	অটোমোবাইল অ্যান্ড অটো-ইলেকট্রিক বেসিকস
৩.	৬৯	সিভিল ড্রাফটিং উইথ ক্যাড	১৮.	৭০	মেকানিক্যাল ড্রাফটিং উইথ ক্যাড
৪.	৮৭	সিভিল কম্পিউটারিশন অ্যান্ড সেফটি	১৯.	৭৭	জেনারেল মেকানিক্স
৫.	৯১	প্লাস্টিং অ্যান্ড পাইপ ফিটিং	২০.	৯৬	ওয়েল্ডিং অ্যান্ড ফেব্রিকেশন
৬.	৯৭	আর্কিটেকচারাল ড্রাফটিং উইথ ক্যাড	২১.	৭২	ডাইং প্রিন্টিং অ্যান্ড ফিনিশিং
৭.	৬১	এগ্রোবেসড ফুড	২২.	৮১	অ্যাপারেল ম্যানুফেকচারিং বেসিকস
৮.	৭৪	ফার্ম মেশিনারি	২৩.	৯৫	উইভিং
৯.	৭৫	ফিস কালচার অ্যান্ড ব্রিডিং	২৪.	৯৮	নিটিং
১০.	৭৬	ফুড প্রসেসিং অ্যান্ড প্রিজারভেশন	২৫.	৯০	জেনারেল ইলেকট্রিক্যাল ওয়ার্কস
১১.	৭৮	লাইভস্টক রিয়ারিং অ্যান্ড ফার্মিং	২৬.	৭৩	ইলেকট্রিক্যাল মেইনটেন্যান্স ওয়ার্কস
১২.	৮০	পোল্ট্রি রিয়ারিং অ্যান্ড ফার্মিং	২৭.	৯২	রেফ্রিজারেশন অ্যান্ড এয়ার কন্ডিশনিং
১৩.	৯৪	ফুট অ্যান্ড ভেজিটেবল কান্টিভেশন	২৮.	৬২	জেনারেল ইলেকট্রনিক্স
১৪.	৯৯	শ্রম্প কালচার অ্যান্ড ব্রিডিং	২৯.	৮৯	পেশেন্ট কেয়ার টেকনিক
১৫.	৮৮	আইটি সাপোর্ট অ্যান্ড আইওটি বেসিকস			

(প্রকৌশলী মোঃ আনোয়ারুল কবীর)

পরিচালক (কারিকুলাম)
বাংলাদেশ কারিগরি শিক্ষা বোর্ড, ঢাকা।
ফোন: ০২-৫৫০০৬৫২৩

তারিখ: ২৮-১০-২০২৪ খ্রি.

স্মারক নং: ৫৭.১৭.০০০০.২০৩.৩২.০০১.১৪-৬৩৯(১১)

সদয় অবগতি ও প্রয়োজনীয় কার্যার্থে অনুলিপি প্রেরণ করা হল:

১. সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা-১০০০।
২. মহাপরিচালক, কারিগরি শিক্ষা অধিদপ্তর, আগারগাঁও, প্র/এ, ঢাকা-১২০৭।
৩. উপসচিব (কারিগরি-৩), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা-১০০০।
৪. সচিব, বাংলাদেশ কারিগরি শিক্ষা বোর্ড, ঢাকা।
৫. পরীক্ষা নিয়ন্ত্রক, বাংলাদেশ কারিগরি শিক্ষা বোর্ড, ঢাকা।
৬. সিস্টেম এনালিস্ট, বাংলাদেশ কারিগরি শিক্ষা বোর্ড, ঢাকা।
৭. উপসচিব (রেজিস্ট্রেশন), বাংলাদেশ কারিগরি শিক্ষা বোর্ড, ঢাকা।
৮. উপপরিচালক (ভোকেশনাল), বাংলাদেশ কারিগরি শিক্ষা বোর্ড, ঢাকা।
৯. অধ্যক্ষ/সুপারিনটেনডেন্ট/প্রধান শিক্ষক, সংশ্লিষ্ট প্রতিষ্ঠানসমূহ।
১০. চেয়ারম্যান মহোদয়ের ব্যক্তিগত কর্মকর্তা, বাংলাদেশ কারিগরি শিক্ষা বোর্ড, ঢাকা।
১১. সংরক্ষণ নথি।

(মোহাম্মদ গোলাম মহিউদ্দিন ভূঁইয়া)
বিশেষজ্ঞ (এসএসসি ভোকেশনাল)
বাংলাদেশ কারিগরি শিক্ষা বোর্ড, ঢাকা।
ফোন: ০২-৫৫০০৬৫৩৮